

SCRIPT OF MORNING GOJRI NEWS BULLETIN 13JUNE 2025

1015HRS

مارننگ گو جری نیوز بلیٹن مورخہ 13 جون 2025

یوہ آکا شوانی جموں ہے باغ علی طاہرتیں خبر سنو۔

AIR CRASH

ہوائی جہاز حادثہ بارے تحقیقاتی بیورو نیاہمد آباد مانہ کل ہوا ائرانڈیا جہاز غا حادثہ غی تحقیقات باقاعدہ طور ور شروع کردتی ہے ہوائی بازی محکمہ گا وزیر رام موہن نائیڈو نے دسیو ہے جے یاہ تحقیقات بین العوامی سول ایویشن آرگنائزیشن غی طرفوں بے کیا گیا ضابطان غے ،طابق کی جائے گی انہاں نے دسیو جے سرکار اک اعلیٰ سطحی کمیٹی تشکیل دے رہی ہے جس مانہ بکھ بکھ شعبان سنگ تعلق رکھن آلا ماہرین شامل وین گا یہ ماہرین حادثہ غا بکھ بکھ پہلوواں غوتفصیل سنگ معائنو کریں گا کمیٹی ہوائی بازی غا تحفظ تے آئندہ ایسا ہوائی حادثاں تیں بچن بارے طریقہ کاروی تلاش کرے گی۔ اسے دوران ائرانڈیا نے کل احمد آباد ہوائی اڈہ تیں لندنواسطے پرواز کرن آلا ہوائی جہاز نانہ اڈان تیں گج چر بعد ہی پیش آیا حادثہ مانہ 241 افراد غی ہلاکت غی تصدیق کی ہے بیونگ 787 اٹھ جہاز مانہ 242 مسافر تے جہاز غا عملہ غا افراد سوار تھا مسافران مانہ 169 بھارتی شہری 53 برطانوی 7 پرتگالی تے اک کینیڈین شہری شامل تھومرن آلا افراد مانہ گج افراد زمین ور موجود وی شامل این جہیرا حادثاتی جہاز غی زد مانہ آغے ہلاک ہوا ہیں گجرات غا سابق وزیر اعلیٰ تے بی جے پی لیڈر وجے روپانی وی حادثہ مانہ ہلاک ہو گیا ہیں اسے دوران ٹاٹا گروپ نے ہوائی جہاز غا اس حادثہ مانہ ہلاک ہوا افراد غا لواحقین نانہ اک اک کروڑ روپیاں غی امداد دین گو اعلان کیو ہے۔

CMREVIEW MEETINGS

وزیر اعلیٰ عمر عبداللہ نے کل بکھ بکھ محکماں غی میٹنگاں غے دوران کپیکس منصوبہ سال 2025-26 غو جائیزو لیو ہے جن مانہ محکمہ اسٹیٹ محکمہ مال سیاحت تے ثقافت غا محکماں شامل ہیں اس جائیزہ غے دوران وزیر اعلیٰ نے فوری طورور منصوباں کی منظوری رقومات خرچ کرنغا اختیارات دین تے ترقیاتی پروجیکٹاں ور عمل آوری غی ضرورت ور زور دتو تانجے اداراتی صلاحیت نانہ مضبوط بنا غے بہتر نتیجا حاصل کیا جاسکیں وزیر اعلیٰ نے لوکاں غی آسان آمیداں غے مطابق عوامی خدمات مہیا کران غی خاطر وسائل گا زیادہ توں زیادہ استعمال کیا جان غی نیڑا تیں نگرانی نالے موثر رابطہ غی ضرورت وی ظاہر کی ہے۔

ITOO NATURE

وزیر تعلیم سکینہ اتو نے کل کہیو ہے جے نوجواناں تے خاصکر سکول تے کالج غا طالب علماں نانہ قدرتی وسائل سنگ جوڑ غے اُن مانہ ماحولیاتی نگرانی غو جزبو پیداہ کرن غی لوڑ ہے وزیر موصوفہ لڑکیاں غا گورنمنٹ ہائر سکینڈری سکول کوٹھی باغ سرینگر مانہ ایک ہفتہ توڑی کلپن آلی عالمی ماحولیاتی تہاڑہ سال 2025 غا سلسلہ مانہ منعقد کی گئی اک تقریب مانہ بول رہی تھیں اس موقع ور عوامی اجتماع سنگ خطاب کرتا واں انہاں نے کہیو جے کشمیر غا موسم مانہ بڑی تبدیلی دیکھی جارہی ہے تے یوہ بدلاؤ جنگلات غا لتاؤ تے ایسی دوجی

درگرمیاں غی وجہنال ہورہیو ہے وزیر تعلیم غو کہنو تھو جے ماحولیاتی تحفظ چھڑو اک پالیسی معاملو ہی نہیں ہے بلکہ یاہ ہر شخص غی ذاتی ذمہ داری مانہ وی شامل ہے۔

PRIVILEGE COMMITTEE

جموں کشمیر قانون ساز اسمبلی غی استحقاق بارے کمیٹی غی کل اسمبلی کمپلیکس سرینگر مانہ پہلی میٹنگ منعقد ہوئی میٹنگ غی صدارت کمیٹی غ اچئیر مین نظام الدین بھٹ نے کی کمیٹی غا ممبران مانہ ایمایل اے ریاض احمد خاب سلمان ساغر شیخ احسان احمد پردیسی جاوید اقبال وکرم دندھاوا تے بھارت بھوشن شامل ہیں جنہاں نے میٹنگ مانہ شرکت کی ہے اس موقع ور چئیر مین نے ممبران گا کردار تے ذمہ داریاں بارے واقف کرایو گیو انہاں نے ممبران غی صلاحیتاں ور اعتماد ظاہر کرتا واں اُن نانہ دتی گئی ذمہ داریاں نانہ موثر طریقہ سنگ نبھان وروی پروسو ظاہر کیو ہے میٹنگ غے دوران ممبران نے سرگرمی سنگ بحث مانہ حصو لیتا واں بکھ بکھ معاملان بارے اپنی اپنی تجویز رکھیں تے تجربا سانجا کریں۔

TRIBALS

قبائلی معاملان غا وزیر جاوید احمد رانا نے کل جموں سانہ تے کٹھوعہ تیں آیا گجر بکروال قبیلہ غا بکھ بکھ وفود سنگ سول سیکرٹریٹ سرینگر مانہ ملاقات کی گجر بکروال قبیلہ غا ان وفدان نے وزیر موصوف سنگ اُن نانہ درپیش بکھ بکھ معاملان تے مشکلات بارے جانکاری سانجی کی ان وفدان غو الزام تھو جے اُن نال فرقو فرقی غو سلوک کیو جارہیو ہے جس نال طبقہ گا لوکان غیجان تے مال بارے تحفظ مانہ کمی محسوس کی جارہی ہے۔ انہاں نے ترقیاتی کماں غی آڑ مانہ گجر بکروال طبقہ غا لوکان غی غیر منقولہ جائیداد حاصل کیا جان غو وی الزام لایو تے کہیو جے ایسو زیادہ تر گجر بکروال طبقہ غے خلاف ہی چندہ طور ور کیو جارہیو ہے جاوید احمد رانا نے طبقہ گا وفدان نانہ سنجیدگی سنگ سنیو تے یقین دوايو جے عمر عبداللہ غی قیادت آلی جموں کشمیر سرکار گجر بکروال قبیلہ نانہ ہر سال کیان جان نانہ برداشت نہیں کرے گی۔

FOREST FIRES

بدھتا درجہ حرارت تے سخت گرمی غی لہر غے پیش نظر چیف سیکرٹری اٹل ٹلو نے کل محکمہ جنگلات غا اعلیٰ افسران ڈویژنل کمشنراں تے ڈپٹی کمشنراں غی کل سرینگر مانہ بلائی گئی اک میٹنگ غے دوران جنگلات مانہ اک لگن غا واقعات تیں بچاؤ غی خاطر پیشگی منصوبہ بندی ور غور کیو گیو اس خاطر اطلاعاتی ذریعان نانہ ہور مضبوط تے موثر بنان غی خاطر چیف سیکرٹری نے مقامی آبادیاں تیں ہور متا رضاکار درج کرن غی ضرورت ور زور پاؤ انہاں نے اس خاطر ایس ایچ جی ممبران تے آنگن واڑی ورکراں نانہ ترجیح دین واسطے کہیو جہیڑا جنگلات غے نیڑے یوٹی غا وسیع علاقان توڑی موجود ہیں۔

HEAT WAVE

جموں خطہ غا 6 ضلعان مانہ اج وی سخت گرمی غی لہر جاری ہے جت کافی علاقان مانہ اس موسم مانہ معمول تیں زیادہ درجہ حرارت ریکارڈ کیو جارہیو ہے۔ آکاشواں جموں گا نمائندہ نے جانکاری دیتا واں دسیو ہے جے سانہ تے جموں ضلع مانہ کل بالترتیب 46.3 تے 44.5 ڈگری سیلسیس درجہ حرارت ریکارڈ کیو گیو۔ اس راہ بدھا نانہ اس موسم گا معمول غا درجہ حرارت تیں 5.7 ڈگری سیلسیس درجہ حرارت متو درج کیو گیو ہے

محکمہ موسمیات غے مطابق شدید گرمی غی لہر ضلع سانہ جموں کٹھوعہ رام بن ادھمپور
تے ریاسی مانہ جاری ہے تے ان تمام ضلعان مانہ درجہ حرارت 40 ڈگری سیلسیس تیں اُر
ریکارڈ کیو گیو ہے ماتا ویشنو دیوی شرائین آلا قصبہ کٹڑہ مانہ درجہ حرارت 40.6 ڈگری
سیلسیس رہیو جد کہ رام بن مانہ 43.5 ڈگری سیلسیس درجہ حرارت ریکارڈ کیو گیو۔ ادھمپور
مانہ 42 ڈگری سیلسیس جد کہ پونچھ مانہ 40 ڈگری تے ریاسی مانہ 41.8 ڈگری سیلسیس
درجہ حرارت ریکارڈ کیو گیو ہے۔
